
Dat steiht d'r in:
- Ledenversammeln
- Spraaklehr-App

- Musikgeschichten
- Fritz Filapper
- neje Leden

- 1000 Woorden
- Terminen
- Filmfreunde

27. Januar 2020

Nögen to d' Ledenversammeln up

Saterdag, de 7. Määrt 2020, 10.00 Ühr,
in dat Heimatmuseum Rheiderland,
Neue Straße 26 in 26826 Weener.

10.00 Ühr **Begröten / Tee un Kook**

Friedrich Sap, 1. Vörsitter, un Gerhard M. Willms, Bisitter, van de „Rheiderländer Filmfreunde e. V.“ vertellen daarover, wo de Vereen entstahn is, over hör Wark un wiesen ok en paar Filmutsneden.

11.00 Ühr **Ledenversammeln**

1. Protokoll van de Jahresversammeln an de 9. Määrt 2019 in Engerhaaf
2. Allgemein Jahresbericht
3. Bericht over de Finanzen
4. Bericht van de Kassenprüfers
5. Utspraak over de Berichten
6. Entlasten van de Vörstand
7. Wahlen van de Vörstand
 - Wahl van en Wahlleiter
 - 1. Vörsitter/ske
 - 2. Vörsitter/ske
 - Penningmester/ske
 - Schriever/ske
 - 5 Bisitters/kes
8. Wahl van de Kassenprüfers
9. Andragen
10. Wat d'r anners noch anliggt

Andragen för de Ledenversammeln mutten bit to de **25. Februar 2020** bi uns wesen!

Mit beste Gröten



Hans Freese, Vörsitter



Spraaklehr-App för Plattdüütsk

Plattdüütsk is en Spraak, de in heel Noorddüütskland, man besünners in Oostfreesland, noch vööl proot word, un dat giff dat 'n Bült Minsken, de disse Spraak geern lehren willen. Dat wiesen de Anfragen bi dat Plattdüütskbüro van de Oostfreeske Landskupp un ok de hoge Klicktahlen van dat Onlinewoordenbook (www.platt-wb.de). Daarom hett de Oostfreeske Landskupp överleggt, buten de druckt Woordenboken ok en digitalen Plattlehr-App ruttobringen. En App, dat is 'n Computerprogramm, dat för de, de dat bruken, van Nütt is. Man kann daarmit wat maken of wat lehren, un in disse Gefall kann man daarmit Plattdüütsk lehren. Mögelk word dat Projekt dör de finanzielle Stöön van Oostfreeske Taal un de Stiftung Nedersassen, de an disse Stee düchtig Dank seggt word.

Siet de 1. November 2019 arbeitd Elke Brückmann, Mitarbeiterske van 't Platt-

düütskbüro, an de neje Spraaklehr-App, de bit Enn Märt 2021 klaar wesen sall. Van denn of an kann man de App, de up Android un iOS/iPhones löppt, för umsünst runnerladen. De Plattdüütsklehr-App (PLApp) vermiddelt Weten över de Spraak mit 'n Bült verscheden Upgaven ut mennig Themenrebetten. Se is eenfach to bedenen un sall de, de de App bruken, to 'n Wiedermaken anregen. Butendeem worden Tondateien insett, denn dat Höörverstahn is för dat Lehren van 'n Taal heel belangriek. Biller giff dat ok, um t. B. neje Woorden to verklaren. Wat de Inhalt van de Spraaklehr-App angeiht, so hollt de sük an dat Spraaklehrbook „Nu man to“, dat van de Oostfreeske Landskupp rutgeven worden is un van vööl Bildungsinrichtens bruukt word.

Un wenn 't all good mitlöppt, denn giff dat achteran ok noch 'n Upboo-Kurs för Plattdüütsk.

Jan Cornelius MUSIKGESCHICHTEN - en neei Lederbook in oostfreeske Taal

Siet 1978 schrifft un singt Jan Cornelius plattdüütske Leder. Daar kummt in mehr as 40 Jahren en heel Bült tosamen. 100 Leder daarvan hett Gerold Meinen ut Ihl in Noten un Akkoorden upschreven. Jan Cornelius vertelt daarto, wo de enkelt Stücken togankomen sünd un wat he so mit de Musik beleevt hett in d' Loop van de Tied. Dat lett sük alls heel good lesen, un so is dat Book ok wat för Lüü, de partuu neet singen of spölen willen. To bekieken giff dat ok wat: Annette Wiechert hett to mennig van de Texten heel mooi Tekens maakt. Anfangen deit de Lederreis mit de Jan & Jörn-Tied. Denn geiht dat wieder dör de Jahren van Jan Cornelius sien Lederleven un endt mit neje Stücken, de dit Jahr up en Spegelplaat rutkomen sölen.

**Dat Lederbook kann man ok bi Oostfreeske Taal bestellen.
Dat köst 20,- Euro + Porto.**





Fritz Filapper – siet 21 Jahr en Fründ van de Kinner



En Filapper – up Hoogdüütsk „Schmetterling“ – wiest de Kinner in Kinnergaarns un Grundscholen al siet 1988, wo man sük richtig un seker in de Stratenverkehr verhollet.

Dat geiht um seker Kleer, um Zebra-striepen, um dat Spölen up en Straat of wo belangriek de rechte Kinnerstanz in en Auto is – un dat in twee Spraken, in Hoog un in Platt.

Daarmit de Kinnerkes daar ok Spaaß an hebben, kriggt elk en egen bunt Maalbook mit lüttje Vertellsels. Denn könen se kieken, wo Fritz Filapper hör mit sien Frünnen Paula un Nils wiest, wo dat up de Straten richtig lopen mutt.

De Auerker Logopädin Brigitte Kleemann hett vör 21 Jahr de Idee för de lüttje Vertellsels, de verscheden Verkehrssituationen wiesen, hatt.

Nu is en heel neei Uplaag rutkamen, finanzeert van de Oostfreeske Landskuppelke Brandkass, de Vereen Oostfreeske Taal un de Verkehrswacht Auerk.



Brigitte Kleemann hett all Biller nochmaals overarbeidt un en heel belangriek Punkt mit en neei Vertellsel in dat Bookje rinnahmen: De dode Winkel. Dat weer heel neet so einfach, up en Bild to wiesen, waar dat um geiht, nämlich, dat en Auto- of en Lastwagenfahrer bi 't Rechtsobugen faken Footgängers of Radfahrers, de tegen sien Wagen unnerwegens sünd, neet sehn kann, neet ut dat Fenster un neet in de Spegel. Daarom passeren elke Jahr en heel Bült

slimme Unfallen. Nu könen de Kinner mit de Hülp van Fritz Filapper, Paula un Nils lehren, waar dat up ankummt, wenn en Auto vör hör obugen deit.

To kriegen sünd de neei Heften bi de Verkehrswacht Auerk unner

info@verkehrswacht-aurich.de of Verkehrswacht Aurich, Jadestr. 9 – 11, 26605 Aurich

Wi begröten van Harten uns neje Leden!

Michael Bockelmann, Juist un Anke un Manfred Borm, Auerk

Impressum: Platt - Bladd is en Infomationsblatt van Oostfreeske Taal, Vereen för oostfreeske Spraak un Kultur i. V. Verantwortelk för dat wat daar insteiht: Hans Freese, Vörsitter. Redaktion: de Vörstand. Georgswall 1 - 5, 26603 Auerk, Tel.: 04941-6981290, oostfreeske.taal@ewetel.net. Uns Datenschutzverklaren steiht up de Webbste www.oostfreeske-taal.de




Mien eerste 1000 Woorden

2017 is dat Lehrbook för de Plattdüütskunnerricht of Unnerricht mit Platt „Mien eerste dusend Woorden“ för dat eerste Maal rutgeven worden. Dotieds hett dat en groten Spenn van Bünting mögelk maakt. De Boken van de eerste Utgaav wurren an all Grundschoolen in Oostfriesland, de sük daarför interesseren deen, för umsünst verdeelt. To kopen geev dat dat Book do neet.

Man fell weer klaar, dat en heel Bült Minsken dat Book ok geern för hör Kinner of Grootkinner kopen of dat Book verschenken wullen.

Intüsken is de darde Uplaag in Arbeit: Dat löppt!

Wiel Biller un Woorden mitnanner verbunnen worden, büddt sük dat Book ok al för lüttjeder Kinner an. Dat sünd Biller un Woorden, de lüttje un groot Kinner ut hör Olldag, van tohuus, ut School un Kinnergaarn of ut de Fernseher kennen. Mit de grote Wimmelbiller maakt dat Spaaß, bekennte Saken to söken un neei Woorden in Platt to lehren.



Bestellen kann man dat Lehrbook in de Bookhannel of bi de Oostfreeske Landskupp ISBN-Nr. 978-3-940601-37-7

AUERKER KUNTREIVERSAMMELN 2020

Februar: „Mit ‘t Rad van Oostfriesland na Venedig un torügg“ – De Heren Frerichs, Juilfs un Tinnemeyer ut verscheden Fehntjer Kuntreien vertellen pläserelk van hör Beleven up de Tour över de Alpen van Oostfriesland na „Venezia“, de Hauptstadt van Venetien in de Noordoosten van Italien, un torügg.

Mai: Unner dat Motto „Waarum kümmern sük all um de, de wat utfreten un nich um de, de daarvan betreffen sünd?“ klaart Johann Harms uns över de Arbeit van ‚Der weiße Ring‘ up. De Organisation helpt Minsken, de Opfer van Kriminalität un Gewalt worden sünd. Ok de Angehörigen word hulpen.

August: „Bunte Bladen / Teelese(n) II“ – Wiel all Tohörers dat in 2019 so wunnerbaar gefallen hett, hebben wi hör prompt noch ‘nmaal nöögt: Gesa Dirks, Autorin ut Nörden, de in Mainhaaf al mit de Pries

„Golden 13“ uttekenet worden is, draggt up hör heel besünner Aard weer egen plattdüütske Vertellsels un Riemsels vör.

November: „Bruukst Du Hülpe? Wi sünd för Di daar“. So heet dat Thema van Hilde Ubben, de siet 1996 kranke Lüü in hör egen Umstreek pleegt, versörgt, hör aver ok över Dag en Mögelkheid giff, sük in een van hör Husen uptoholen.

All, de daar vördragen, maken dat natürelk up Platt.

Wennehr un wo laat: Elke 2. Dingsdag in Feberwaar, Mai un August. In November is dat an de darde(!) Dingsdag, wiel an de 10. November Martini is. De Veranstaltens sünd alltied van ½ 8 Ühr bit kört na 9 Ühr savends.

Infos giff dat bi **Andreas Gerdes**,

Tel. 04941-71525,

E-Mail: andreas.gerdes5@ewetel.net



Plattdüütske Stammtafel *Leer un umto*

14.02.2020 Plattdüütske Song Poesie van un mit Silvia Sinning

09.03.2020 Annemarie Jensen vertelt over de Dichter Hermann Claudius

13.04.2020 Gerhard Niemann, Vörsitter van de Geflögeltuchtverein Weener, vertelt over de Vereen

08.05.2020 Chorkunzert van dat „Nörder Sing-Spill“ van de Nederdüütske Bühn Nörden mit dat Programm „Minskenkinner“

Infos giff dat bi **Carl Ahrlich**s, Tel. 0491-63272 of bi **Evert Druivenga**, Tel. 04951-1730 of bi **Johann Brinkmann**, Tel. 04302-1273

Vörleestelefon Oostfreesland

Tel. 04941-699944

28.02. Traute Bohlen-Müller

11.02. Johannes Diekhoff

25.02. Antje Lübben

10.03. Stefanie Piechnik

24.03. Carl Ahrlich

07.04. Garrelt van Borssum

21.04. Johannes Meyer

Rheiderländer Filmfreunde e.V.

An de 23. Juni 2005 wurr up en Gebuursdagsfier van uns froherde plattdüütske Theaterspöölgrupp over de Mögelkheid, en plattdüütske Film to dreihen, proot. Naderhand wurren de enkelte Delen beproot un en domalige Mitspöler van d` Theatergrupp harr ok al en Stück för uns paraat. Uns was dat en groot Anliggen, dat

Kuntreiversammeln för Nörden

Elke eerst Fredag in d` Maant – Klock 19 Uhr bit ruugweg 21 Uhr in de Teeköken van d` Leezdörper Möhlen. Anmellen bruukt man sük neet. **Infos** giff dat bi **Adolf Sanders**, Tel. 04931-3365

07.02.2020 Oostfreeske Wapens un anner „Symbolen“

06.03.2020 Dat religiöös Leven van de Fresen, vöördat un as se Christen worden bünd

03.04.2020 Molkereen in Oostfreesland un wat se produzeerden

08.05.2020 Dat oostfreeske Rheiderland [Datum beachten! Wegen de Maifierdag verlegt.]

05.06.2020 Schippen un Schippstypen

03.07.2020 Wilhelmshaven un de Jadebusen

07.08.2020 *fallt ut wegen Sommerferien*

04.09.2020 Stüren un Stürwesen

02.10.2020 Oostfreesland un de Prüßen

06.11.2020 Van uns wildwassend Planten

04.12.2020 Maal ernst, maal lüstig: Plattdüütske Wiehnachtsriemsels un -vertellsels

08.01.2021 Uns Naberstadt Leer

En Portrait van Gerhard M. Willms

(in Platt oversett van Gertrud Oosting)

dat Stück in plattdüütske Spraak un blot mit Laienschauspölers dreiht word. Un so is uns eerste plattdüütske Film „Up d` Hund komen“ entstahn, de mit vööl Erfolg verköfft worden is.

An de 9. Mäart 2007 hett dann en Gründungsversammeln van uns Vereen in de Weertschupp „De Pütt“ in Leer stattfunnen,



an de 24 Lüü deelnohmen hebben. Uns Vereen wurr domaals unner de Naam „Boulevard Tivoli e. V.“ gründt. Bit to de Jahreshauptversammeln in Määrt 2009 gaff dat aver man blot lüttjerde Aktivitäten.

Up de Jahreshauptversammeln an d` 31. Määrt 2009 wurr besloten, de Vereensnaam to ännern. Mit Schrieven van `t Amtsgericht Auerk kregen wi de Genehmigung, van daar of an de Naam „Rheiderländer Filmfreunde e. V.“ to föhren. De Vereenssitz is sietdeem in Weener. Wi maken uns Films blot in plattdüütske Spraak, umdat wi uns för dat Erhollen van uns Kulturgood insetten willen.

An de 9. Määrt hebben wi al mit dat tweede Projekt „Der Schatz von Marienchor“ anfangen (dat is en sagenhafte

Geschicht ut d` Vöorkriegsjahren) – disse Film is noch beter ankommen as de Eerste.

In Määrt 2010 wurr uns Vereen Lidd in de „Verkehrs- und Verschönerungsverein Weener e. V.“. Tosamen mit disse Vereen hebben wi uns up de Gewerbeschau in Weener vörstellt.

Uns Vereen hett siet September 2010 en Stand up de „Hobby- und Kreativmarkt“ in Weener, de all Jahr stattfinnt. Hier word, tegen mennig anner Aktivitäten, all 2 Jahr de Titel van uns neeiste Film bekenntgeven.

Mit dat Planen för en neei Projekt hebben wi in `t Vörjahr 2010 anfangen. De eerste Klapp full dann al Midde Oktober 2010. Dat handelde sük um en Geschicht ut dat Olldagsleven van en Familie, de in disse Tied spöölt, un heetde „So is dat Leven“.

An de 16. November 2013 was de eerste Upföhren van dat nächste Projekt, en Rheiderland-Krimi mit de Titel „Kattenjammer“. Mit disse Film kunnen wi uns an de 21. Mai 2014 en groot Publikum in `t Kinocenter in Leer vörstellen.

De Premiere to dat sessde Projekt was an de 7. November 2015. Daarbi hannelde sük dat um de Problemen in en Backersfamilie mit de Titel „Zoff um Teekookjes“. Disse Film wurr an de 9. Määrt 2016 ok in `t Kino in Leer upföhrt.

De Film mit de Titel „Rullenspööl“, de sük mit dat Anglermilieu befaat, wurr an de 11. November 2017 dat eerst maal wiest.

In d` Loop van dat Jahr 2019 hebben wi en 40 Minuten lang Imagefilm mit de Naam „Das Rheiderland“ dreiht – en Portrait over uns Heimaadkuntrei för de Gemeenten Bunn,

Jem´m un Weener. De Film kann over de Webbsieden van de jeweilige Gemeenten upropen worden.

Intüsken hebben wi al weer en Spöölfilm – en Krimi – mit de Titel „Drahttrekker“ klaarmaakt. Inhalt: En Serientäter mit „Helpersyndrom“ drifft sien Unwesen, Strumpeldrahdn föhren to Unfallen, en „Beziehung“ droht utnanner to gahn un en good Fründskupp liddt daarunner. En Autounfall brengt neei Verwirrungen, un de Kriminaalpolizei finnt neei Sporen bit dat de Ermittlungen überraschende Ergebnissen an d` Dag brengen. De Premiere was an de 9. November 2019 in de Aula van d` Oberschool in Weener. Ok disse Film sall weer in `t grote Kino wiest worden.

